

清·方略館 編

清代 方略 全書

北京圖書館出版社



清代方略全書

九七

清·方略館編

北京圖書館出版社

清·曹振鏞等撰

欽定平定回疆剿擒逆裔方略

卷一〇——二三

清道光刻本

欽定平定回疆勦擒逆裔方略卷之十

道光六年春二月丙辰

伊犁調派綠營官兵起程日期

烏魯木齊提督達凌阿奏言接准伊犁將軍慶
祥咨開喀什噶爾奏調烏魯木齊綠營官兵一
千名內停止五百名隨帶演熟礮位六十尊大
礮五尊照例配帶鍋帳器械迅速前赴喀什噶

爾以備調遣當卽調齊提屬各營兵丁親赴教場揀選年力精壯技藝嫻熟之馬兵二百名步兵三百名並如數挑選礮位及一切器械等項並撥騰壯馬五百匹除馬兵例騎馬二百匹外其餘寬備馬三百匹以資更替進剿之用所需春夏二季乾銀均如數發給兵丁沿途經餽卽派會歷行陣之副將周吉圖率同都司潘士品

守備張華千總把總外委等二十員名帶領兵
丁於本年正月初六日起程所有應給整裝銀
兩現准慶祥來咨伊犁官兵酌借半年俸餉惟
查烏魯木齊距喀什噶爾比伊犁較遠二十餘
站所派官兵置辦行裝長途裹帶需用浩繁若
照伊犁借給半年俸餉實屬不敷前於英惠未
赴伊犁之先面爲籌酌派出綠營官員借給一

季養廉兵丁借給一年餉銀均俟撤回後分作
二年扣還歸款毋庸開銷以節糜費至該官兵
應支鹽糧駄價等項銀兩並運送礮位等項車
價均照換防例支給報部覈銷以上各款共需
銀一萬七千五百八十七兩零在於鎮迪道庫
備貯項下動支除應行扣還歸款外餘請照例
作正開銷再前接慶祥來札行令寬備馬匹添

派兵丁以資撥用當經英惠會同飭知巴里坤
鎮屬各營豫爲挑選精銳兵丁五百名聽候調
遣茲准來咨只調綠營兵丁五百名現於提屬
各營選派挑備鎮屬兵丁業經停止奏入報

聞

偵探逆蹤

批諭機宜

慶祥奏言連日接常德等來信探聽得張格爾
汰劣克拜巴哈什各逆首均在托古斯托羅一
帶地方藏匿前此助逆之布魯特等均未分散
大雪封山未能遠竄雖未可盡信爲真第探報
相同自不宜視爲烏有該逆等逋匿一方既有
勾結情形未必第爲遠竄之計當卽飛札常德
等並飭催邁瑪薩依特加意確查務得賊人實

在底裏遵照

訓示設法曉諭解散並據常德等札稱冲巴噶什等
部落均遣使遞馬情願效順其爲感激

天恩畏懼兵威固可概見第該夷等狐疑成性良莠
不齊且難保無各首逆潛通主使探我動靜

臣

亦札囑常德於此等外夷出入之際示以大方
尤必密加訪察切無使得知虛實但和平慰諭

平定回疆剿擒逆裔方略卷一
四
俾樂於宣揚轉爲我用現已交代清楚卽兼程
前往悉心籌辦期於淨絕根株至卡內回情均
據札稱如常安靜可以仰慰

廑懷奏入

上批諭曰言何容易以常德之爲人真不值告以此
等機宜汝已起身前去約計二月望前總可到彼
朕心稍慰矣汝務要盡心盡力相機誘擒可以兵

威臨之者卽遣將出師切不可輕聽浮言妄行舉
動前鑒不遠也稟之勉之

臣等謹按

乙夜披章稟

宸謨之獨斷

申命遣將欽

廟略之先幾

皇上經緯萬端有文事必有武備從古太平之世初
不諱言兵也屬以回疆不靖邊臣措置乖方
致逆裔肆行兇狡上賴

宵旰之憂勤思所以運籌制勝者計必出於萬全貌
爾小醜一鼓而殲之掃穴犁庭翦滅此而朝
食耳然浮議不可輕聽行師必有紀律敵愾
禦侮之才不可無老成持重之見君子聽鼓

輦之聲則思將帥之臣良以三軍司命未可
輕於嘗試也制夷之道勦爲上撫次之非勦
無以示威非撫無以結恩威不宣則彼桀驚
之性不可馴也恩不敷則彼效順之心不可
得也然必知兵者方足以語此若常德初履
邊任未厯戎行

殊諭分抉精微判其可否已燭照數計於機先矣在

慶祥以

國事爲重祇知其事之當告而未思常德之爲人

臣等伏讀

丹毫批諭剴切曷以前鑒不遠勉其盡心盡力尤足

徵我

皇上訓勵臣工綏懷邊徼所以恩威並用者豈不度

越尋常萬萬哉

英惠奏報正月初二日行抵伊犁暫署將軍印
務

辛酉

諭前任喀什沙爾辦事大臣徐錕回京

上命軍機大臣傳諭徐錕曰慶祥已由伊犁起程前

赴喀什噶爾該處用兵與否尙在未定徐錕請馳

赴軍前效力著無庸前往俟巴哈布接任後仍遵

前旨卽行回京

豫調各城換防官兵趕緊來防

穆克登布等奏言上年永芹奏請就近在葉爾

羌烏什阿克蘇等處駐防綠營官兵內曾在內

地出師經練行陣者酌調六百名聽候差遣並

將喀什噶爾明歲換防頭起西寧官兵二百六

十餘員名咨明陝甘總督選派精銳兵丁迅速